
Tadbirkorlarning barqarorlik reytingi joriy etiladi

“Tadbirkorlik subyektlarining barqarorlik reytingini joriy etish chora-tadbirlari to‘g‘risida” Prezident qarori (PQ-39-son, 23.01.2024 y.) qabul qilindi.

Qarorga ko‘ra, 2024-yil 1-fevraldan qonunchilik talablariga rioya etgan holda faoliyat yuritayotgan tadbirkorlarni aniqlash va qo‘shimcha rag‘batlantirishni nazarda tutuvchi **Tadbirkorlik subyektlarining barqarorlik reytingi** joriy etiladi.

Reyting doirasida tadbirkorlar quyidagi toifalarga ajratiladi:

????“AAA”, “AA” va “A” toifalar – yuqori barqarorlik reytingi;

????“BBB”, “BB” va “B” toifalar – o‘rta barqarorlik reytingi;

????“CCC”, “CC” va “C” toifalar – qoniqarli barqarorlik reytingi;

????“D” toifa – quyi barqarorlik reytingi.

Reyting Soliq qo‘mitasining “Tadbirkorlarning barqarorlik reytingi” elektron platformasida idoralararo axborot almashinuvi vositasida avtomatik tarzda (onlayn) shakllantiriladi va Savdo-sanoat palatasining rasmiy veb-saytida e‘lon qilib boriladi.

Reyting bo‘yicha 23 ta mezon belgilandi va ular 3 guruhga bo‘linadi:

- 10 ta hamma uchun bir xil mezon;
- 4 ta rag‘batlantiruvchi mezon;
- 9 ta kamaytiruvchi mezon.

Yuqori reytingdagi tadbirkorlar rag‘batlantiriladi. Shu bilan birga, reytingi past bo‘lgan korxonalar uchun choralar nazarda tutilmagan.

Agar tadbirkor “AAA” toifadagi reytingga ega bo‘lsa:

- soliq organlari tomonidan tekshirishlar o‘tkazilmaydi;
- QQSdan hosil bo‘lgan soliq summasi bir kunda qaytariladi (amaldagi muddat 7 kundan 30 kungacha);
- QQSdan boshqa soliq turlari bo‘yicha hosil bo‘lgan ortiqcha soliqlar summalari uch kunda qaytarib berish (amalda 10 kundan 15 kungacha) yuzasidan qo‘shimcha preferensiyalar beriladi.

Yana bir rag‘batlantirish – soliq va bojxona organlarida tovarlarni import qilishda vaqtida to‘langan soliqlarni hisobga olish tizimi joriy qilinyapti.

Bungacha bu faqat yirik soliq to‘lovchilar hamda 20 ming tadbirkor — 500 ming malakali mutaxassis dasturi doirasida sertifikat olgan korxonalar uchun amal qilar edi.

Endi reytingi yuqori bo‘lgan tadbirkorlik subyektlariga ham mazkur tartib tatbiq etiladi.

1 / 2

Reytingning asosiy maqsadi – tadbirkorlarni ixtiyoriy ravishda qonunchilikda belgilangan me‘yorlar bo‘yicha majburiyatlarni o‘z vaqtida bajarishiga undashdir.

Ma'lumotlar real vaqt rejimida soliq to'lovchining shaxsiy kabinetida ko'rsatiladi.

Agar soliq to'lovchining reyting bo'yicha e'tirozi bo'lsa, u Soliq qo'mitasiga murojaat qilishi lozim. Bunda murojaat 1 kun ichida ko'rib chiqiladi.

2024-02-16 12:03:14